



11. december 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Nunatta Isiginnaartitsisarfia aamma tipsimit lottomillu aningaasat pillugit.

- 1. Naalakkersuisunut nassuiaatigeqquneqarpoq suliniutit peqatigiiffillu sorliit tipsimit lottomillu aningaasanik pulje C-meersunik ukiuni 2011-mi 2012-mi 2013-milu aningaasaliiffiqarsimanersut. Akissummi paasiuminartumik kisitsisitigut takussutissiisoqaralarpat ajunngilaq.**
- 2. Suliniutit/peqatigiiffiit sorliit Naalakkersuisunit kingulliutinneqarniarpat, Kulturimut Naalakkersuisoq aalajangerpat Nunatta Isiginnaartitsisarfia salliutinniarlugu?**
- 3. Kulturimut Naalakkersuisoq oqarpoq pingaartillugu Nunatta Isiginnaartitsiviata sinerissamut angalanissaa. Tamanna qanoq iliorluni qulakkeerniarpaa paasinarmat tipsimit lottomillu aningaasanik pulje C-meersunik angalanernut tapiiffiqarneqarnissamut qinnuteqartoqarsinnaanngitsoq.**

(Inatsisartunut ilaasortaq Jens B. Frederiksen, Demokraatit)

Tungavilersuut:

Kulturimut Naalakkersuisup tupinnaannartumik isumaqarpoq suliamik matusisinnaalluni. Taannami Sermitsiaq.ag-mut oqarpoq:

“Nunatta Isiginnaartitsisarfia aningaasaqarnera pillugu tusagassiutini oqallinneq matumuuna unippoq aamma illuatungeriit iluarisimaarpat isumaqatigiinneq anguneqarsimammat.”

Ajoraluartumilli Kultureqarnermut Naalakkersuisumut erseqqissartariaqarpara, taassuma aalajangertussaangikkaa suliaq sunaagaluartorluunniit qaqugu matuneqassanersoq. Maannakkoqqissaaq Nunatta Isiginnaartitsivia pillugu apeqqutit 245 aamma 246 suli akinikuunngilai aamma soorunami qulaani apeqqutigisakka akineqartussaapput, taamaattumik suliaq matuneqanngilluaasarpoq.

Kulturimut Naalakkersuisoq aalajangersimagunarpoq, tipsimit lottimillu aningaasaliissutit ilaat Nunatta Isiginnaartitsivianut pinngitsooratik tutsinneqassasut. Tipsimit Lottomiillu aningaasat 2014-mut Aningaasanut Inatsimmi amerlassuseqarput 28,2 millioner koruuninik, aningaasalli amerlanersaat iniliornermut sanaartormullu aningaasaateqarfimmu, Kalaallit Nunaanni Timersortartut Kattuffiannut, Elitesport Greenlandimut taamatullu Meeqqat Inuusuttullu Kattuffiinut aningaasaliissutigineqarnikumamta taava imatut paasinarpoq Kulturimut Naalakkersuisoq taamaallaat pulje C-mik taaneqartartunit toqqartumik aningaasaliissuteqarsinnaasoq, taakku aningaasaliissutigineqarnikuupput “Allanut naliginnarmik iluaqutaasussanut”.



Aningaasaliissutit taakku amerlassuseqarput 7,3 millioner koruunerpianik.

Taamaattumik Nunatta Isiginnaartitsivia 3 millioner koruuninik taakkunanga aningaasaliiffiqassappat taava suliniuterpasuit/påeqatigiiffipassuit tapiissutisiassaminut utaqqilussinnartussaapput. Demokraatini tamanna tungavigalugu soqutigaarput paasissallugu, peqatigiiffiit aamma/imaluunniit suliniutit sorliit kingullinngortinneqassamaarnersut Kulturimut Naalackersuisup aalajangererata kingorna.

Apeqqutit akeqquneqarput tigusineraniit ullut sulliviit nalinginnaasut qulit qaangiutsinnagit.